

Na osnovu člana 3. stav (1) Pravilnika o postupcima u provođenju Programa razvoja male privrede Hercegovačko-neretvanskog kantona 2021.-2024. godine („Službene novine HNK“, broj: 7/21 i 8/22) i tačke I stav (3) *Odluke o usvajanju Programa utroška sredstava Ministarstva privrede s pozicije „Subvencije privatnim poduzećima i poduzetnicima (po odluci Vlade)“*, utvrđene *Izmjenama i dopunama Budžeta Hercegovačko-neretvanskog kantona za 2022. godinu*, broj: 01-1-02-2819/22, od 21.10.2022. godine, a u vezi Zakona o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbe o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), Ministarstvo privrede Hercegovačko-neretvanskog kantona objavljuje

JAVNI POZIV
za odabir korisnika sredstava Ministarstva privrede s pozicije
„Subvencije privatnim poduzećima i poduzetnicima (po odluci Vlade)“
utvrđene Izmjenama i dopunama Budžeta HNK za 2022. godinu

I PREDMET JAVNOG POZIVA

Predmet Javnog poziva je prikupljanje prijava - projektnih prijedloga za dodjelu bespovratnih sredstava Ministarstva privrede Hercegovačko-neretvanskog kantona (u daljem tekstu: *Ministarstvo*), s pozicije - „Subvencije privatnim poduzećima i poduzetnicima (po odluci Vlade)“, utvrđene u razdjelu 36, potrošačka jedinica 0003, ekonomski kod - 614500 Izmjena i dopuna Budžeta Hercegovačko-neretvanskog kantona za 2022. godinu („Službene novine HNK“, broj: 11/21 i 7/22).

Prikupljanje prijava za dodjelu bespovratnih sredstava vršit će se u skladu sa *Odlukom o usvajanju Programa utroška sredstava Ministarstva privrede s pozicije „Subvencije privatnim poduzećima i poduzetnicima (po odluci Vlade)“ utvrđene Izmjenama i dopunama Budžeta HNK za 2022. godinu*, broj: 01-1-02-2819/22, od 21.10.2022. godine (u daljem tekstu: *Odluka o usvajanju Programa utroška sredstava Ministarstva*).

II MJERE, CILJEVI MJERA, KORISNICI SREDSTAVA, NAMJENA, USLOVI ZA APLICIRANJE, KRITERIJI RASPODJELE

Odlukom o usvajanju Programa utroška sredstava Ministarstva, iz tačke I ovog Javnog poziva, utvrđene su mjere - LOT- ovi, ciljevi mjera, korisnici sredstava, namjena, uslovi koje moraju zadovoljiti podnosioci zahtjeva za bespovratnim sredstvima (aplikanti), kriteriji raspodjele, te maksimalni iznosi sredstava koja će biti dodijeljena odabranim korisnicima, prema utvrđenim kriterijima.

Mjere su razvrstane u tri (3) LOT- a i to:

LOT 1 - POTICAJ PODUZETNICIMA POČETNICIMA 250.000,00 KM

Ciljevi: stvaranje uslova za osnivanje novih subjekata male privrede; povećanje broja subjekata male privrede, na području HNK; kreiranje novih radnih mjesta.

Korisnici sredstava: subjekti male privrede (**fizička i pravna lica**), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13, 1/16).

Napomena: poslovne jedinice / podružnice u sastavu pravnih lica nemaju pravo prijave!

Izvor: Izmjene i dopune Budžeta HNK za 2022. godinu.

Iznos poticajnih sredstava: 250.000,00 KM.

Način korištenja poticajnih sredstava (namjena):

- troškovi prve registracije subjekta male privrede;
- nabavka opreme, računarske opreme, softverskih rješenja i materijala za rad;
- troškovi pravnih, savjetodavnih i administrativnih usluga;
- troškovi obuke i stručnog osposobljavanja zaposlenika;
- novo zapošljavanje;
- uređenje prostora za rad;

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, troškovi noćenja).

Uslovi:

Pravo prijave za poticajna sredstva Ministarstva imaju subjekti male privrede i to:

a) **fizička lica** koja:

- se bave obrtom,
- su registrovana nakon 01.01.2021. godine,
- imaju minimalno jednog (1) zaposlenog.

b) **pravna lica**, koja:

- su registrovana nakon 01.01.2021. godine,
- imaju minimalno jednog (1) zaposlenog,
- pozitivno posluju od datuma osnivanja,
- se bave sljedećim djelatnostima (razvrstanim prema KD BiH 2010.):

1. prerađivačkom industrijom (C), (oblasti od C10 do C33), **osim sljedećih djelatnosti, za koje se ne može prijavljivati:**

Grana	Razred	Naziv
C12		Proizvodnja duhanskih proizvoda
C20		Proizvodnja hemikalija i hemijskih proizvoda
C21		Proizvodnja osnovnih farmaceutskih proizvoda i farmaceutskih preparata
C25	25.4	Proizvodnja oružja i municije
C30	30.3	Proizvodnja aviona i svemirskih letjelica, te srodnih prijevoznih sredstava i opreme
C30	30.4	Proizvodnja vojnih borbenih vozila

2. informacijama i komunikacijama (J), **i to samo djelatnost J62** - računarsko programiranje, savjetovanje i djelatnosti s njima u vezi;

3. prijevozom i skladištenjem (H), **i to samo djelatnostima:**

- **H49.32** - Taksi služba;
- **H49.41** - Cestovni prijevoz robe;

4. stručnim, naučnim i tehničkim djelatnostima (M), **i to samo djelatnostima:**

- **M71.11** - Arhitektonske djelatnosti;
- **M71.12** - Inženjerske djelatnosti i s njima povezano tehničko savjetovanje;
- **M72.19** - Ostalo istraživanje i eksperimentalni razvoj u prirodnim, tehničkim

- i tehnološkim naukama;
- **M73.11** - Agencije za promociju (reklamu i propagandu).

c) **fizička i pravna lica** koja, za istu namjenu, nisu koristila sredstva iz drugih izvora, s područja Federacije BiH.

Kriteriji za odabir korisnika: broj zaposlenih; pripadnost vlasnika ciljnoj skupini (žene, mlade osobe do 35 godina starosti, osobe sa invaliditetom); ravnomjerna teritorijalna zastupljenost; stepen sufinansiranja; novo zapošljavanje; kvalitet projekta.

Sredstva se dodjeljuju korisnicima:

- **fizičkom licu (obrtu)** - maksimalno **do 5.000,00 KM**, s tim da se za troškove registracije dodjeljuje fiksni iznos od 500,00 KM, pod uslovom da za istu namjenu nije dodijeljen poticaj od drugog nivoa vlasti, u periodu 2021. - 2022. godina;
- **pravnom licu** - maksimalno **do 10.000,00 KM**, s tim da se za troškove registracije dodjeljuje fiksni iznos od 1.500,00 KM, pod uslovom da za istu namjenu nije dodijeljen poticaj od drugog nivoa vlasti, u periodu 2021. - 2022. godina.

LOT 2 - POTICAJ TEHNOLOŠKOM RAZVOJU I DIGITALIZACIJI

1.000.000,00 KM

Ciljevi: jačanje konkurentnosti subjekata male privrede, s područja HNK, kroz podršku tehnološkom razvoju i digitalizaciji poslovanja, neophodnih za jačanje potencijala strateških privrednih oblasti.

Korisnici sredstava: subjekti male privrede - **isključivo pravna lica**, sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, („Službene novine HNK“, broj: 4/10, 1/13, 1/16).

Napomena: poslovne jedinice / podružnice u sastavu pravnih lica nemaju pravo prijave!

Izvor: Izmjene i dopune Budžeta HNK za 2022. godinu.

Iznos poticajnih sredstava: 1.000.000,00 KM.

Način korištenja poticajnih sredstava (namjena):

- modernizacija proizvodnih kapaciteta i adaptacija prostora za rad;
- digitalizacija poslovnih i proizvodnih procesa, nabavka računarske opreme i/ili softverskih rješenja;
- uvođenje sistema upravljanja kvalitetom, normi i znakova kvalitete;
- nabavka opreme i materijala za rad;
- troškovi obuke i stručnog osposobljavanja zaposlenika;
- novo zapošljavanje;

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, troškovi noćenja).

Uslovi: pravo prijave za poticajna sredstva Ministarstva imaju subjekti male privrede - **pravna lica**, registrovana prije 01.01.2022. godine:

a) koja se bave sljedećim djelatnostima (razvrstanim prema KD BiH 2010.):

1. vađenjem rude i kamena (**B**), (oblasti od B05 do B09), **osim sljedećih djelatnosti, za koje se ne može prijavljivati:**

Grana	Razred	Naziv
B06	06.10	Vađenje sirove nafte

B06	06.20	Vađenje prirodnog plina
-----	-------	-------------------------

2. prerađivačkom industrijom (C), (oblasti od C10 do C33), osim sljedećih djelatnosti, za koje se ne može prijavljivati:

Grana	Razred	Naziv
C12		Proizvodnja duhanskih proizvoda
C20		Proizvodnja hemikalija i hemijskih proizvoda
C21		Proizvodnja osnovnih farmaceutskih proizvoda i farmaceutskih preparata
C25	25.4	Proizvodnja oružja i municije
C30	30.3	Proizvodnja aviona i svemirskih letjelica, te srodnih prijevoznih sredstava i opreme
C30	30.4	Proizvodnja vojnih borbenih vozila

3. informacijama i komunikacijama (J), i to samo djelatnost J62 - računarsko programiranje, savjetovanje i djelatnosti s njima u vezi;

4. prijevozom i skladištenjem (H), i to samo djelatnostima:

- H49.32 - Taksi služba;
- H49.41 - Cestovni prijevoz robe;

5. stručnim, naučnim i tehničkim djelatnostima (M), i to samo djelatnostima:

- M71.11 - Arhitektonske djelatnosti;
- M71.12 - Inženjerske djelatnosti i s njima povezano tehničko savjetovanje;
- M72.19 - Ostalo istraživanje i eksperimentalni razvoj u prirodnim, tehničkim i tehnološkim naukama;
- M73.11 - Agencije za promociju (reklamu i propagandu).

b) koja su pozitivno poslovala u 2021. godini;

c) koja imaju najmanje 2 zaposlena, prilikom prijave na Javni poziv za 2022. godinu;

Kriteriji za izbor korisnika: broj zaposlenih; stepen sufinansiranja; ravnomjerna teritorijalna zastupljenost; broj godina prisustva na tržištu; novo zapošljavanje; kvalitet projekta.

Sredstva se dodjeljuju korisnicima u visini do maksimalno 30.000,00 KM.

LOT 3 - POTICAJ OBRTIMA, STARIM I TRADICIONALNIM

DJELATNOSTIMA

450.000,00 KM

Ciljevi: razvoj obrta, očuvanje zanatskih vještina i umijeća obavljanja djelatnosti, sa pretežno ručnim radom, očuvanje kulturno - historijskog naslijeđa.

Korisnici sredstava: subjekti male privrede - **isključivo fizička lica**, sa sjedištem na području HNK, definisani Zakonom o poticaju razvoja male privrede i zaštiti tradicionalnih djelatnosti (obrta), („Službene novine HNK“, broj:4/10, 1/13, 1/16).

Izvor: Izmjene i dopune Budžeta HNK za 2022. godinu.

Iznos poticajnih sredstava: 450.000,00 KM.

Način korištenja poticajnih sredstava (namjena):

- modernizacija i adaptacija prostora za rad;
- troškovi obuke i stručnog osposobljavanja zaposlenika;
- nabavka opreme, računarske opreme, softverskih rješenja i materijala za rad;
- promocija i sajamske aktivnosti;
- novo zapošljavanje.

Neprihvatljivi troškovi: porez na dodanu vrijednost (PDV), reprezentacija, službena putovanja (dnevnice, prijevoz, troškovi noćenja).

Uslovi: pravo prijave za poticajna sredstva Ministarstva imaju subjekti male privrede - **fizička lica**, koja se bave obrtom i imaju najmanje jednog (1) zaposlenog.

Kriteriji za izbor korisnika: broj zaposlenih; pripadnost vlasnika obrta ciljnoj skupini (žene, mlade osobe do 35 godina starosti, osobe sa invaliditetom); ravnomjerna teritorijalna zastupljenost; stepen sufinansiranja; novo zapošljavanje; kvalitet projekta.

Sredstva se dodjeljuju korisnicima u visini do maksimalno 5.000,00 KM.

III PRAVO PRIJAVE NA JAVNI POZIV

Pravo prijave na Javni poziv Ministarstva imaju samo subjekti male privrede - pravna lica i fizička lica (obrtnici), sa sjedištem na području HNK, definisani *Zakonom o poticaju razvoja male privrede i zaštiti tradicionalnih djelatnosti (obrta)*, koji su eksplicitno utvrđeni kao korisnici sredstava, za svaku pojedinu mjeru - LOT iz tačke II Javnog poziva.

Osim što su za korisnike sredstava, uz svaki LOT, iz tačke II, navedeni i dodatni uslovi, kao eliminatorni, prilikom razmatranja prijava na Javni poziv također će **automatski biti odbačena** (odnosno, neće se uzimati u razmatranje):

- a) elektronski nepopunjena i/ili nepotpuna prijava;
- b) prijava, zaprimljena nakon isteka roka trajanja Javnog poziva;
- c) prijava, koja ne sadrži kumulativno opće i posebne priloge, koji se zahtijevaju u Javnom pozivu;
- d) prijava aplikanta koji nije izvršio usklađivanje registrovanih djelatnosti sa Strukturom klasifikacije djelatnosti BiH 2010. (KD BiH 2010.), („Službeni glasnik BiH“, broj: 47/10);
- e) prijava aplikanta koji je izvršio izmjenu šifre djelatnosti nakon objave Javnog poziva;
- f) prijava aplikanta koji nije priložio dokumentaciju ovjerenu na način propisan u tački IV (ispod naslova: **Važne napomene**) ovog Javnog poziva;
- g) prijava aplikanta, u kojoj se od Ministarstva zahtijeva **veći** iznos, od pojedinačnih limita, utvrđenih za svaku mjeru (LOT), iz tačke II ove Odluke;
- h) prijava aplikanta koji, do objave Javnog poziva, nije opravdao od Ministarstva dodijeljena finansijska sredstva poticaja, iz prethodne, 2021. godine;
- i) prijava aplikanta - primaoca državne pomoći male vrijednosti - de minimis, kojem su dodijeljena bespovratna poticajna sredstva, iz budžeta bilo kojeg nivoa vlasti u BiH, u tri (3) uzastopne fiskalne godine, u iznosu preko 200.000 €;
- j) prijava aplikanta - korisnika poticajnih sredstava, kojemu je pravosnažnom odlukom suda izrečena kazna za prekršaj, koji se odnosi na nenamjensko korištenje sredstava poticaja, implementaciju sredstava nakon isteka ugovorenog roka, nedostavljanje, u roku, pismenog izvještaja o implementaciji odobrenih sredstava, uz odgovarajuće dokaze, obzirom da korisnik ne može aplicirati za poticaj, shodno članu 33. Zakona o poticaju razvoja male privrede i zaštiti tradicionalnih djelatnosti (obrta), u periodu od pet (5) godina, računajući od dana pravosnažnosti odluke o prekršaju, kojom je proglašen krivim.

Sve kategorije aplikantata, koje se prijavljuju na Javni poziv, moraju biti u većinskom vlasništvu državljanina Bosne i Hercegovine (minimalno **51%**).

IV SADRŽAJ PRIJAVE NA JAVNI POZIV

Prijava na Javni poziv mora biti urađena **sadržajno i redosljedom**, prema elementima koji se zahtijevaju, ovisno o pojedinoj mjeri - LOT- u.

Da bi prijava aplikanta (podnosioca zahtjeva) bila uzeta u razmatranje, moraju **kumulativno** biti ispunjeni sljedeći osnovni uslovi:

- a) da aplikant podnese prijavu na obrascu - *Zahtjev za uključivanje u Program*;
- b) da ponudi sažetak projektnog prijedloga (u obrascu *Zahtjeva za uključivanje u Program*);
- c) da dostavi opće i posebne priloge (navedene u Javnom pozivu, za svaki pojedini LOT).

Zahtjev za uključivanje u Program

Pod ovim se podrazumijeva uredno popunjen obrazac - *Zahtjev za uključivanje u Program* (u daljem tekstu: ***Zahtjev***), u kojem mora biti sažetak projektnog prijedloga aplikanta, gdje treba navesti sve bitne elemente projekta, obzirom da se njegov kvalitet dodatno boduje.

U Zahtjevu se navode i osnovni podaci, koji se traže o aplikantu (naziv aplikanta, adresa sjedišta, općina/grad, kanton, zakonski zastupnik, kontakt osoba, pravni status, vlasništvo, vrsta i šifra djelatnosti, identifikacioni broj (broj poreznog obveznika), transakcijski broj/naziv poslovne banke aplikanta), broj trenutno zaposlenih i broj osoba koje aplikant namjerava zaposliti, iznos bespovratnih sredstava koja traži od Ministarstva, kao i iznos vlastitih sredstava, koja će aplikant uložiti u realizaciju neke od mjera (LOT- ova), iz tačke II ovog Javnog poziva.

Zahtjev mora biti ovjeren potpisom i pečatom od strane ovlaštene osobe aplikanta.

Obrazac Zahtjeva se preuzima sa web stranice Ministarstva (www.privredahnk.gov.ba) i popunjava isključivo elektronski.

Opći prilozi

Pod općim priložima se podrazumijeva dokumentacija koja se zahtijeva od svakog aplikanta, bez obzira na kategoriju kojoj pripada, kojom se nesumnjivo dokazuje da je on kompetentan, pouzdan i da redovno ispunjava svoje zakonske obaveze, vezane za njegovo poslovanje (uplata direktnih i indirektnih poreza i doprinosa), te da će poticajna sredstva upotrijebiti namjenski (u skladu sa uslovima iz Javnog poziva).

Lista općih priloga koji se zahtijevaju:

- a) Obavještenje o razvrstavanju pravnog lica prema klasifikaciji djelatnosti, koje izdaje Federalni zavod za statistiku (**ovjerena kopija**);
- b) Lista osiguranih lica za obveznika, koju izdaje Porezna uprava Federacije BiH, sa datumom nakon objave Javnog poziva (**original**);
- c) Prvo Rješenje o registraciji (**ovjerena kopija**) i Aktualni izvod iz sudskog registra (**original**), ne stariji od (1) jednog mjeseca, računajući od datuma objave Javnog poziva - za pravna lica; Rješenje o registraciji, od nadležnog općinskog / gradskog organa - za fizička lica (obrte), (**ovjerena kopija**);
- d) Uvjerenje o poreznoj registraciji (**ovjerena kopija**);
- e) Uvjerenje / potvrda o registraciji poreza na dodanu vrijednost - PDV (ukoliko je u sistemu PDV-a, u skladu sa Zakonom o porezu na dodanu vrijednost) - (**ovjerena kopija**);
- f) Uvjerenje / potvrda o izmirenju direktnih poreza (doprinosa za PIO/MIO i doprinosa za zdravstveno osiguranje), koju izdaje Porezna uprava Federacije BiH (**original**);

- g) Uvjerenje / potvrda o redovnom izmirenju indirektnih poreza, koju izdaje Uprava za indirektno oporezivanje (ukoliko je u sistemu PDV-a, u skladu sa Zakonom o porezu na dodanu vrijednost), (**original**);
- h) Uvjerenje / potvrda od nadležnog suda da nije pokrenut stečaj / likvidacija privrednog subjekta, odnosno, uvjerenje od nadležne službe općine / grada da fizičko lice (obrt) nije prestao djelovati, ili da nije pokrenut postupak brisanja (**original**);
- i) Uvjerenje / potvrda o državljanstvu za većinskog vlasnika/e u pravnom licu, odnosno za vlasnika/e većinskog udjela u društvu, ili većinskog paketa dionica; uvjerenje / potvrda o državljanstvu za vlasnika obrta (**original ili ovjerena kopija**);
- j) Potvrda banke o transakcijskom računu pravnog lica / obrta (**original**);
- k) Izjava (**I-1**), (obrazac koji se preuzima sa web stranice Ministarstva) o neosuđivanosti i nevođenju postupka, po osnovu privrednog kriminala fizičkog lica, odnosno odgovornog lica u pravnom licu, potpisana od strane aplikanta i ovjerena kod nadležnog organa uprave ili notara;
- l) Izjava (**I-2**), (obrazac koji se preuzima sa web stranice Ministarstva) o primljenoj državnoj pomoći male vrijednosti, od bilo kojeg nivoa vlasti u BiH (de minimis), koja je aplikantu dodijeljena u prethodne dvije fiskalne godine (2020.- ož i 2021.- ož), te u tekućoj fiskalnoj godini, u skladu sa Zakonom o sistemu državne pomoći u BiH („Službeni glasnik BiH“, broj: 10/12, 39/20) i Uredbom o uslovima i postupku za dodjelu pomoći male vrijednosti - de minimis pomoć („Službene novine Federacije BiH“, broj: 27/18), potpisana od strane aplikanta i ovjerena kod nadležnog organa uprave ili notara;
- m) Izjava (**I-3**), (obrazac koji se preuzima sa web stranice Ministarstva) o namjenskom utrošku sredstava poticaja, potpisana od strane aplikanta i ovjerena kod nadležnog organa uprave ili notara.

Posebni prilozi

Posebni prilozi se zahtijevaju od aplikanta, ovisno o uslovima, utvrđenim za svaku pojedinu mjeru - LOT, iz tačke II ovog Javnog poziva.

Lista posebnih priloga koji se zahtijevaju:

- a) Izvještaj o finansijskom poslovanju - bilans uspjeha za 2021. godinu - (**za LOT broj 1.**), osim ako je subjekt registrovan nakon 01.01.2022. godine (**ovjerena kopija**);
- b) Potvrda o invalidnosti za većinskog vlasnika u pravnom licu, odnosno za vlasnika/e većinskog udjela u društvu, ili većinskog paketa dionica; potvrda o invalidnosti za vlasnika obrta - (**za LOT- ove broj 1. i 3.**), (**ovjerena kopija**);
- c) Izvještaj o finansijskom poslovanju - bilans stanja i bilans uspjeha za 2021. godinu - (**za LOT broj 2.**), (**ovjerena kopija**).

Subjekt male privrede (pravno ili fizičko lice) koji je registrovan u periodu kraćem od 3 (tri) mjeseca, računajući od dana objave Javnog poziva u „Službenim novinama HNK“, nije obavezan dostaviti dokumentaciju kojom dokazuje uredno izmirenje direktnih poreza (doprinosa za MIO / PIO i zdravstveno osiguranje) i indirektnih poreza (**ovo se odnosi samo na LOT broj 1.**).

Važne napomene:

- 1) Aplikant je obavezan navesti sve osnovne podatke u obrascu - *Zahtjev za uključivanje u Program* i odgovara za istinitost svih svojih navoda, a uz zahtjev je dužan dostaviti, istovremeno, i sve opće i posebne priloge, koji se traže za pojedini LOT.

- 2) Popis potrebne dokumentacije (tenderska dokumentacija za svaki LOT pojedinačno), iz tačke II Javnog poziva, preuzima se sa službene web stranice Ministarstva - (www.privredahnk.gov.ba).
- 3) Na svakom od dostavljenih uvjerenja / potvrda, koje aplikant prilaže uz prijavu, **mora jasno biti naznačena svrha: „prijava na Javni poziv Ministarstva privrede HNK“.**
- 4) Na dokumentima koji se prilažu u ovjerenjima, **datum ovjere** ne smije biti stariji od tri (3) mjeseca, računajući od dana objave Javnog poziva u „Službenim novinama HNK“.

V KRITERIJI ZA OCJENU PRIJAVA I ODABIR KORISNIKA

Kriteriji za odabir korisnika, i ocjenu prispjelih prijava, utvrđeni su posebno za svaki LOT, u tački II ovog Javnog poziva.

Ministar privrede HNK (u daljem tekstu: *Ministar*) imenuje Komisiju za provođenje Javnog poziva za odabir korisnika poticajnih sredstava Ministarstva (u daljem tekstu: *Komisija*).

U prvoj fazi rada, Komisija vrši administrativnu provjeru prispjelih prijava na Javni poziv Ministarstva, a nakon toga, u drugoj fazi rada, i ocjenjivanje prijava, koje ispunjavaju formalno-pravne uslove, prema kriterijima, utvrđenim u Odluci o usvajanju Programa utroška sredstava Ministarstva (u tački II ovog Javnog poziva), sve u skladu sa odredbama Pravilnika o postupcima u provođenju Programa razvoja male privrede HNK 2021.-2024. godine („Službene novine HNK“, broj: 7/21 i 8/22).

Komisija može dodijeliti pojedinoj prijavi maksimalno do **90** bodova.

Ocjenjivanje prijava na Javni poziv Komisija vrši na osnovu sljedećih kriterija i pripadajućih bodova za iste:

LOT 1 - POTICAJ PODZETNICIMA POČETNICIMA

1. Broj zaposlenih	20
2. Pripadnost vlasnika ciljnoj skupini	10
3. Ravnomjerna teritorijalna zastupljenost	20
4. Stepen sufinansiranja	20
5. Novo zapošljavanje	20
Ukupno bodova:	90

LOT 2 - POTICAJ TEHNOLOŠKOM RAZVOJU I DIGITALIZACIJI

1. Broj zaposlenih	15
2. Stepen sufinansiranja	20
3. Ravnomjerna teritorijalna zastupljenost	20
4. Broj godina prisustva na tržištu	10
5. Novo zapošljavanje	25
Ukupno bodova:	90

LOT 3 - POTICAJ OBRTIMA, STARIM I TRADICIONALNIM DJELATNOSTIMA

1. Broj zaposlenih	20
2. Pripadnost vlasnika ciljnoj skupini	15
3. Ravnomjerna teritorijalna zastupljenost	20
4. Stepenn sufinansiranja	15
5. Novo zapošljavanje	20
Ukupno bodova:	90

Nakon završenog ocjenjivanja, Komisija sačinjava **listu uspješnih prijava na Javni poziv**, rangiranih po broju ostvarenih bodova, za svaki pojedini LOT, te pismeni Izvještaj o radu Komisije i dostavlja ih Ministru, u dalju proceduru.

Ministar, potom, vrši dodatno ocjenjivanje uspješnih prijava (sa do maksimalno **10** bodova), samo na temelju kriterija - kvalitet projekta, te, na osnovu ukupnog broja bodova, dodijeljenih svakoj pojedinoj uspješnoj prijavi, od strane Komisije i od strane Ministra, utvrđuje prijedlog Odluke o odabiru korisnika poticajnih sredstava Ministarstva, kojeg dostavlja Vladi na usvajanje.

Prilikom utvrđivanja prijedloga Odluke o odabiru korisnika sredstava, Ministar može uzeti u obzir ukupan iznos sredstava koja je aplikant (podnosilac prijave) prethodno dobio od Ministarstva, u posljednje tri (3) godine, računajući u odnosu na godinu u kojoj je raspisan Javni poziv, pri čemu prednost mogu imati oni aplikanti, sa liste uspješnih prijava, koji nisu prethodno dobili sredstva poticaja od Ministarstva, zatim kvalitet pojedinog projekta, u smislu njegove usklađenosti sa strateškim dokumentima HNK, kao i druge poznate činjenice.

Konačnu Odluku o odabiru korisnika poticajnih sredstava donosi Vlada HNK.

Odluka o odabiru korisnika poticajnih sredstava Ministarstva, koju donese Vlada HNK, objavljuje se u „Službenim novinama HNK“ i na službenoj web stranici Ministarstva.

Podnosilac prijave na Javni poziv Ministarstva, koji ne bude odabran Odlukom o odabiru korisnika sredstava, može uložiti prigovor Žalbenom vijeću Hercegovačko-neretvanskog kantona, u roku od sedam (7) dana, od dana objave rezultata Javnog poziva u „Službenim novinama HNK“, radi provjere činjenica, vezanih za ocjenu njegove prijave.

U slučaju da se, zbog ograničenosti sredstava, namijenjenih pojedinom LOT- u, korisniku sredstava dodijeli manji iznos, za ponuđeni projekat, od onog kojeg je naveo u prijavi - Zahtjevu za uključivanje u Program, ugovorom, kojeg će Ministarstvo zaključiti sa korisnikom, biće precizirano koji će dio njegovog projekta biti realizovan dodijeljenim sredstvima, odnosno, tačno će biti utvrđena njihova namjena, radi podnošenja valjanog izvještaja o utrošku sredstava.

Korisnik koji ulaže i vlastita sredstva u implementaciju svog projekta (opcija sufinansiranja), u dostavljenom **revidiranom zahtjevu** za uključivanje u Program, **morat će zadržati isti omjer (procenat)** između sredstava, dodijeljenih od Ministarstva, i vlastitih sredstava, kao onaj kojeg je naveo u prvom obrascu Zahtjeva za uključenje u Program.

Vlastita sredstva, koja korisnik uloži u realizaciju projekta kojim je aplicirao na Javni poziv, Ministarstvo će priznati samo ako su ista utrošena **isključivo nakon objave ovog Javnog poziva** u „Službenim novinama HNK“.

Na Javni poziv učesnici mogu aplicirati s više projektnih prijedloga, s tim da je svaka prijava nezavisna i dostavlja se Ministarstvu za svaki projektni prijedlog zasebno (**i svaka mora biti**

kompletirana potrebnom dokumentacijom - općim i posebnim prilogima).

U slučaju da Komisija prihvati više projektnih prijedloga istog aplikanta, biće mu dozvoljeno da se, pismenom izjavom, izjasni za koji će se od prihvaćenih projekata opredijeliti, obzirom da Ministarstvo može poticati **samo jedan projekat istog aplikanta.**

VI NAČIN PODNOŠENJA PRIJAVE NA JAVNI POZIV

Prijava na Javni poziv (Zahtjev) se podnosi Ministarstvu na aplikacijskom obrascu, koji se preuzima elektronskim putem, sa web stranice Ministarstva - www.privredahnk.gov.ba, a popunjava se **isključivo elektronski.**

Prijava, sa potrebnim prilogima, šalje se preporučenom poštom, u zapečaćenoj koverti, na adresu:

HERCEGOVAČKO-NERETVANSKI KANTON
MINISTARSTVO PRIVREDE
Husnije Repca bb, 88000 Mostar

sa naznakom:

„NE OTVARATI“

Prijava po Javnom pozivu za odabir korisnika poticajnih sredstava Ministarstva privrede HNK, za LOT, broj: _____,

(upisati puni naziv LOT-a)

Na poleđini koverta obavezno se navodi: naziv aplikanta (pravnog ili fizičkog lica/obrta), ime i prezime odgovornog lica, adresa i kontakt telefon aplikanta, te se navedeni podaci ovjeravaju pečatom aplikanta.

Rok za dostavu prijava je **petnaest (15) dana**, računajući od dana objave ovog Javnog poziva u „Službenim novinama HNK“.

Dokumentaciju, koja je priložena uz prijavu, Ministarstvo nije dužno vratiti aplikantu.

VII TROŠKOVI PRIJAVE

U postupku po ovom Javnom pozivu Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli, radi apliciranja na određeni LOT, kao ni njihove troškove.

VIII ZAVRŠNE ODREDBE

Ministarstvo zadržava pravo da dostavljene projektne prijedloge aplikanta prihvati u cijelosti, djelimično, ili ih odbije, da poništi Javni poziv, zbog opravdanih razloga, ili da odbaci sve projektne prijedloge, u bilo koje vrijeme, prije zaključenja pojedinačnih ugovora sa budućim korisnicima poticajnih sredstava.

Nakon što Vlada HNK donese Odluku o odabiru korisnika poticajnih sredstava, sa subjektima male privrede, koji budu uvršteni u listu korisnika sredstava, Ministarstvo zaključuje pojedinačne ugovore o implementaciji poticajnih sredstava (u daljem tekstu: **ugovor**).

Ugovor obavezno sadrži: predmet i cilj ugovora, visinu, namjenu i rok implementacije odobrenih sredstava, prava i obaveze ugovornih strana (kao što su način izvještavanja o utrošku sredstava, inspekcijски nadzor nad utroškom sredstava, u svrhu za koju su odobrena,

sankcije u slučaju nepoštivanja ugovora i ostalo), uslove za raskid ugovora, te rješavanje eventualnih sporova.

Ugovor stupa na snagu kada ga uredno potpišu obje ugovorne strane, s tim da rok za implementaciju projekta, u trajanju od **najduže šest (6) mjeseci**, počinje teći od dana uplate novčanih sredstava na račun korisnika.

Nakon isteka roka za implementaciju projekta, u periodu od **najviše 30 dana**, svaki korisnik sredstava je dužan dostaviti Ministarstvu elektronski popunjen obrazac *Izveštaja o implementaciji dodijeljenih sredstava*, sa relevantnom dokumentacijom, kojom se dokazuje namjenski utrošak sredstava.

Sve dopunske informacije, vezane za ovaj Javni poziv, mogu se dobiti svakim radnim danom, putem telefona Ministarstva, broj 036/551-069, **u periodu od 12-13 sati**.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
MINISTARSTVO PRIVREDE

Broj: 07-03-24-149-36/22
Mostar, 27.10.2022. godine

Ministar

Željko Laketić, s.r.